

王士禎年譜



K825.6
97

82394

年譜叢刊

王士禎年譜

〔清〕王士禎撰
孫言誠點校

（附王士祿年譜）

中華書局

責任編輯：胡宜柔

王士禎年譜

(附王士祿年譜)

(清)王士禎撰

孫言誠點校

*

中 華 書 局 出 版

(北京王府井大街36號)

新華書店北京發行所發行

北京新興膠印廠印刷

*

850×1168毫米1/32·5¹/₂ 印張·88千字
1992年1月第1版 1992年1月北京第1次印刷
印數1—4500册 定價：4.05元

ISBN 7-101-00683-3/Z·73

點校說明

本書收錄的王士禛年譜原名漁洋山人自撰年譜，所附王士禛年譜原名王考功年譜，皆爲清代著名詩人王士禛（一六三四——一七二一）所撰。

漁洋山人自撰年譜是王士禛晚年罷官家居時撰寫的，初成於康熙四十四年（一七〇五），時年七十二歲。此時離他去世還有六年，由於王士禛臥病在床，這六年的事迹是由他口授，經其子筆錄的。年譜原僅一卷，士禛去世之後並未立即付梓。雍正年間，惠棟爲漁洋山人精華錄作註，同時著有漁洋山人年譜一卷。士禛之子啓汾、啓沂得知此事，乃將自撰年譜的草本，託黃叔琳轉交惠棟。惠棟遂將自己撰寫的年譜作爲補註，分附於自撰年譜之後，並釐爲上下兩卷，一併附刻於漁洋山人精華錄訓纂之中，是爲雍正紅豆齋（惠棟父惠士奇的室名）刊本。漁洋山人自撰年譜因此首次面世。

惠棟是王士禛的門生惠周惕之孫。惠周惕康熙八年執贄于王士禛，康熙三十年中進士時，王士禛又是副主考。由此一層關係，所以惠棟對王士禛格外崇敬。儘管詩詞並非惠棟所長，他仍然勉爲其難地編著了漁洋精華錄訓纂，並註補了漁洋山人自撰年譜。

惠氏三世治經，家學淵源，而惠棟治學尤精，於經史諸子無不深究。錢大昕評論惠棟，「擬諸前儒，當在何休、服虔之間，馬融、趙岐輩不及也。」以惠棟之博學深思，所補年譜自然較爲縝密賅備，個別地方還糾正了自撰年譜中的差錯。例如士禎祖父教姚永濟事，自撰年譜誤置於崇禎十一年，註補據考功年譜改正爲崇禎九年。因爲王士禎自撰年譜時已屆高齡，有些事自己也記不確切了。

乾隆二十二年（一七五七），惠棟的漁洋山人精華錄訓纂補付刻，書中附有漁洋山人年譜補。補的篇幅不大，內容多是有關士禎詩作情況。是書卷首有盧見曾寫的序，書亦爲見曾所刻，只是書口仍署紅豆齋三字。此次點校，漁洋山人自撰年譜是以雍正紅豆齋刻本爲底本，漁洋山人年譜補則以盧見曾所刻本爲底本。

王考功年譜是王士禎於康熙十二、三年（一六七三——一六七四）在家鄉居母喪時，爲其長兄士祿而撰。王士祿死於康熙十二年七月，生前曾想自撰年譜，未能如願。他死後不久，王士禎就匆忙地寫下了這部年譜。士祿長士禎八歲。士禎幼年，讀書作詩都曾受過士祿的教誨，故日後常推崇士祿「文章經術，兄道兼師」。王士祿無論在政界抑或詩壇，名聲遠不及王士禎，因而其事迹不太爲世人所知。幸賴士禎撰此年譜，使我們於數百年後，仍能得知王士祿的生平概略。而且，二王兄弟關係密切，相互影響甚深，時人比之眉山二蘇。因

此王考功年譜不僅能使人了解王士禛，且有助於對王士禛的了解。

王考功年譜有康熙刻本，山東省圖書館則藏有一手抄本。抄本與刻本，僅個別字不同。此次校點，即以抄本爲底本，以刻本參校。凡刻本與抄本不同處，作校註於當頁之末。

爲了對二王有較全面的了解，本書於年譜之外，收錄有關傳記材料，並附錄王士禛所撰父母及兄弟的行述。又王士禛之名，雍正時因避諱改爲士正，乾隆三十九年（一七七四）因慮及士正與原名相去甚遠，後世易生誤解，復詔改爲士禛。爲此不同時代的記載中，王士禛的名字不一。爲保存文章原貌，本書收錄的文章各仍其舊，未加變更。其他爲避清諱而改者，如「萬曆」作「萬歷」，「弘」字缺末筆等，則一律改回。

點校者

目錄

漁洋山人自撰年譜……………王士禎撰 惠棟註補（一）

漁洋山人年譜補……………惠棟（六一）

王考功年譜……………王士禎（六五）

附錄一
誥授資政大夫經筵講官刑部尚書王公神道碑銘……………王揆（九九）

誥授資政大夫經筵講官刑部尚書阮亭王公暨元配誥贈夫人張夫人合葬墓誌銘……………宋 舉（一〇六）

漁洋山人本傳……………黃叔琳（一一二）

王士禎傳（清史列傳）……………（一一四）

王士禎傳（清史稿）……………（一一八）

王文簡公事畧……………李元度（一二一）

王士禎小傳……………沈德潛（一二五）

王士禎生平材料二則……………昭 榿（一二六） 王應奎（一二七）

吏部考功司員外郎王君墓碑……………施閨章（一二七）

節孝王先生傳……………汪 琬（一二九）

王士祿傳（清史列傳）……………（一三二）

王士祿傳（清史稿）……………（一三三）

附錄二

誥封朝議大夫國子監祭酒先考匡廬府君行述……………王士禎（一三五）

誥封宜人先妣孫太君行述……………王士禎（一四〇）

賜進士出身先兄東亭行述……………王士禎（一四六）

誥封宜人先室張氏行述……………王士禎（一五一）

漁洋山人自撰年譜卷上

小門生東吳惠棟定字註補

同 學 諸 子 參

山人名士禎，姓王氏，字子真，一字貽上，號阮亭。青州諸人。自註：「即今諸城。」

始祖諱貴，遷濟南新城，著籍焉。稱瑯琊公。

公居諸城，古瑯琊地也。當元末白一作花馬軍亂，公祖擊之。殺一賊，度不能抗，乃避居

新城之曹邨，爲某大姓傭作。一日大風晦冥，有一女子從空而墮。良久既霽，公於塵坵

中得之，云即諸城縣初氏女也，晨起取火，不覺至此。時公方鏐居，女子年十八、九，主

人以爲天作之合，遂令諧伉儷焉。三世至潁川公，而讀書仕宦。四世至大僕公，始大其

門。二百年來科甲蟬連不絕，皆初夫人所出也。初夫人事，載見瑯琊公之裔孫立峯先生大槐記

及伍袁萃林居漫錄、謝在杭五雜俎諸書。嘉興賀燦然駁之，以爲語怪，非也。

一世祖諱伍，有善行，稱善人公。

瑯琊公五子，善人最少，性醇謹，事父母、諸兄，皆得其歡心。尤好施予，歲時勤力治家人產，計口給食，餘悉以賑鄉里貧乏者。門前植槐，一株枝葉扶疎，時作糜哺餓者于其下。諸餓者以次受糜，紡其筭于槐，纍纍如也。鄉人呼之曰王菩薩，而稱其家曰大槐王氏。善人既多隱德，嘗夢神人以冠簪笏囊分布槐枝之上，顧曰：「以報汝。」識者以是卜其後之必大也。

三世祖諱麟，明經，官穎川王府教授。稱穎川公。

穎川爲善人次子，生而警穎彊記，于書無所不覩，受詩于畢文義理。十四補博士弟子員，每試輒冠其羣。數困棘闈，隨例應里選，官永平郡司訓。勸學興行，爲多士式。久之，遷諭鹿邑，廣勵功令，如校水時，士風丕變。最後遷教授穎川王府，既至疾作，浹歲而卒。志傳稱公內廉行修，人倫醇備，事大父瑯琊公至孝，遇諸兄弟，門以內蒸蒸如也。蓋自公以毛詩起家，接武列卿、御史、尚書郎、祕苑方岳、郡邑長吏，皆名臣膺仕，布列中外。人皆謂善人之食報于茲，乃驗矣。

高祖諱重光，明嘉靖辛丑進士，歷官貴州按察使參議，歿於王事。贈大僕寺少卿，諭葬祭，稱忠勤公。

公字廷宣，嘉靖丁酉舉於鄉，辛丑成進士。授工部主事，理徐州洪。穎川公卒，哀毀如

禮。服闋，除戶部，權稅九江。廉弊竇，除豪猾，省乾沒。及期，歲省國漕數百石。當事以其能，晉秩僉事。守雲中，強直奉法，軍民賴之。尋晉參議。守上谷，條上谷機宜十二事，悉中窾要。以忤當事意，調貴陽。時赤水黑、白羿蠻叛，川、貴戒嚴。丁巳，肅皇新三殿，求大木，取辦貴竹，諸彝爲梗。公至，以便宜往，撫平之。彝人感其德，爭以所知異木走報公，公采入其阻，衝風瘴癘，勤事以死。事聞，特加恩卹，賜祭葬。壬戌秋，三殿告成。以公前績，詔贈太僕寺少卿。公性孝友，爲潁川公次子。方齟而母沈安人亡，三事繼母常、岳、盧如所生。兩弟早夭，撫其遺孤不殊己子。居鄉恂恂退讓，君子也。歿歷中外，遇事慷慨，不避艱險。及卒，無一語及家事。世廟諭祭文有忠勤報國之褒，故稱忠勤公焉。

曾祖諱之垣，嘉靖壬戌進士，歷官戶部左侍郎，贈本部尚書。自潁川已下，以太師公象乾貴，俱贈少師兼太子太師、兵部尚書。

公字爾式，里人稱見峯先生，太僕公次子。少能文章，未冠補邑諸生，戊午舉鄉試，壬戌成進士。授荊州府推官，多所平反。隆慶丁卯，徵入爲刑科給事中，尋擢禮科右、兵科左，持節使鄭還，遷禮科都給事中。以言事激切忤旨，奪俸。請急歸省。明年，起刑科，擢太僕寺少卿。三月，改鴻臚寺卿。甲戌，擢大理寺少卿。踰年，擢順天府尹。旋以都

察院右副都御史，巡撫湖、廣三載，詔錫贈封如例。庚辰，內遷戶部右侍郎，奉命攝理京營戎政。明年，轉左侍郎，總督倉場。疏乞歸省。歸二十年而卒。訃聞，詔賜祭葬，贈戶部尚書。公少績學，攻苦茹澹，窮日夜不輟，及貴猶然。子孫遵用其教，皆以節儉世其家。生平行事詳公所載歷仕錄。

祖諱象晉，萬曆甲辰進士，歷官浙江右布政使，贈刑部尚書。

公字子進，別字康宇，司徒公季子也。中萬曆甲午舉人，甲辰進士，授中書舍人。癸丑考選，同鄉諸公皆欲以臺省處之。適太師公方以薊遼總督召爲本兵，而故事：父兄官內閣及六卿者，子弟無得居言路，其見居職者，例改翰林官。故太師欲暫歸，爲公地，卽來而翰林可得也。公力爭不可以私恩宿君命，遂平調禮部儀制司主事。甲辰移疾里居，久之，中忌者以京察調外，補江西按察司知事。未赴，遷行人司左司副，又遷禮部精膳司員外郎。未幾，丁內艱。服闋，補儀制司員外郎，扈惠王之國荊州。戊辰春報命，陞按察司副使。備兵淮、揚，下車摘伏如神，十城憚其風采。甲戌，陞河南按察使。經年，所部讞決稱平。乙亥遷浙江右布政使。公爲人寬厚，及見義勇決，不擇利害爲趨避，赴人之難如不及，然終不爲戕異激切之行。年七十致仕。生平喜澹泊，室無媵侍。盛暑整衣冠危坐，讀書不輟。常舉唐柳玭言，誡子孫無矜門第，務力學爲善。故其家代有名人，由家法

之善有以維持之也。

父諱與敕，大清順治元年拔貢，累封國子監祭酒，贈刑部尚書。公四子。伯士祿，順治壬辰舉禮部，乙未進士，官吏部考功員外郎。仲士禧，廩貢監生。叔士祐，康熙庚戌進士，未仕卒。山人，其季也。

方伯公有四子，其季爲匡廬公。公字欽文，性孝謹，尤警慧。自毀齒就傅，所授經書，一過輒曉大義。數困場屋。世祖皇帝定鼎，詔郡邑選真才充貢太學，有司以公名應詔。公以方伯公年老，廷對後不謁選人，徑歸。謂所親曰：「吾得以壯年侍老親側，躬幫盥洗滌之事，遠希萬石家風，顧有所未足乎？」就子舍，日夕視寢膳，問安否，爲憂愉。每歲時，率子婦奉觴上壽，一門五世羅拜庭下。方伯公顧之喜，則好爲子姓陳述先世隱德遺事，觀縷忘倦。公退而申繹其說，環長幼拱聽。方伯公卒，哀慕如孺子。每歲時伏臘，家祭上冢，必愴慕盡哀。又繪方伯公生平出處事蹟，爲圖二十四，以示後人。蓋其天性愛慕如此。少工駢麗之文，晚年猶間爲之。中歲好爲詩，輒棄去曰：「吾偶寫懷抱，如絃之有音。弦停音寂矣，乃欲索之於無有耶？」每春秋佳日，輒置酒，邀邑耆舊，促席道舊故爲樂。又嘗與諸兄弟讌集，道祖宗勤儉遺事，如方伯公當日。及公之歿也，羣從兄弟行哭失聲，巷舂皆罷。是可以知公之德矣！

故明崇禎七年甲戌（一六三四）閏八月二十八日亥時，山人生。布政贈尚書公官河南按察使，尚書公及孫夫人隨侍。山人生於官舍，故小字豫孫。

山人爲方伯公十一孫，時六兄西樵年九歲，七兄禮吉年八歲，十兄東亭年三歲。池北偶談云：予生甲戌，以辛卯中鄉試，乙未中會試。與侯官曹能始學佺相去一甲子。無不符合。

崇禎八年乙亥（一六三五），二歲。隨任之杭州。

案考功年譜：「是歲方伯公遷浙江右布政使。」

崇禎九年丙子（一六三六），三歲。

崇禎十年丁丑（一六三七），四歲。

崇禎十一年戊寅（一六三八），五歲。

是冬，左使姚永濟入覲，方伯公攝其事。姚至京以征解不及額下獄，方伯公聞之，敕守藏吏籍所貯悉輸之。吏辭以考成不便，公曰：「若所言吾豈不知？顧姚事急。吾視事日淺，卽不及，降秩耳，姚禍且不測。與人同寮，瀕危而坐視，吾弗忍也。」于是擇吏趨解至部，驗牒課如額，姚遂得釋。案考功年譜，方伯公于崇禎十年致政歸。此當是九年事。

崇禎十二年己卯（一六三九），六歲。

崇禎十三年庚辰（一六四〇），七歲，始入小學。

池北偶談云：「予六七歲始入鄉塾，受詩。誦至燕燕、綠衣等篇，便覺振觸欲涕，亦不自知其所以然。稍長，遂頗悟興觀羣怨之旨。」

崇禎十四年辛巳（一六四一），八歲。

山人幼有聖童之目，肄業之暇，卽私取文選、唐詩洛誦之。久之，學爲五七字韻語。時西樵爲諸生，嗜爲詩。見山人詩，甚喜，取劉頃陽一相所編唐詩宿中王、孟、常建、王昌齡、劉賚虛、韋應物、柳宗元數家詩，使手抄之。盛侍御珍示曰：「先生八歲能詩，西樵吏部授以王、裴詩法。後三十年，書考功年譜後云：『文章經術，兄道兼師。』蓋實錄也。」是年，西樵補諸生。

崇禎十五年壬午（一六四二），九歲。冬十二月，大清兵至濟南，新城陷。

是年禮吉補諸生。

崇禎十六年癸未（一六四三），十歲。避兵長白山之魯泉。

考功年譜云：「依外家鄒平孫氏。」長白山錄云：「魯泉在望湖頂下，林壑清美，泉水尤甘。」崇禎十七年甲申（一六四四），十一歲。卽世祖皇帝順治元年。時流賊陷京師，王師入關定鼎，國號大清，改元。

時方伯公以遺老居田間，自號明農隱士，闔門謝客。親教諸孫，頗及聲律之學。嘗邀從弟洞庭象咸飲。洞庭工草聖，有張顛之風。酒闌，諸孫競進乞書，方伯公把酒命對句曰：「醉愛羲之蹟。」山人在傍應聲曰：「狂吟白也詩。」公皆大喜，賞以名人書畫。謂匡廬公曰：「此子必蚤成。」

順治二年乙酉（一六四五），十二歲。

倚聲集：「山人嘗云：『僕十二歲時，題明湖詩有句云「楊柳臨湖水到門」，全作都不省記。』漁洋文畧云：「予髫時私爲清明、憎蚊二賦，傅公彤臣見之激賞，有過情之譽。」是歲西樵與諸名士爲曉社。

順治三年丙戌（一六四六），十三歲。高苑賊謝遷寇新城，陷之。避兵長白。

避地鄒平，依張氏。時遷聚衆千人，連破新城、長山諸縣，入淄川，據之。僭偽號，置官屬，未幾敗。

順治四年丁亥（一六四七），十四歲。自長白歸里。

是歲西樵食餼于庠。

順治五年戊子（一六四八），十五歲。夏，出應童子試，被落。

山人自八歲吟詩，至是有詩一卷，曰落箋堂初藁，西樵序而刻之。案倚聲集：「山人髫時

嘗作落葉詩數篇，大爲先輩所賞。有句云：「已共寒江湖上下，況逢新燕影參差。」又云：「年年搖落吳江思，忍向煙波問板橋。」又有錦秋湖二絕句，咏狄仁傑詩一首，載見續集中。

秋，伯兄舉鄉試。

考功年譜云：「君兩應省試，以文章見斥。更降志揣摩，以就程式。秋，舉于鄉，受知給事桐城姚公龍懷文然，樞部邢臺李公非熊仲熊齊東令曲周李公方曼倩。」池北偶談曰：「姚公闈中得西樵卷，異之曰：『他日必爲風雅名家。』」

順治六年己丑（一六四九），十六歲。布政公課諸孫嚴，山人與諸兄讀書家塾。

山人兄弟每自家塾歸，孫夫人從牕聞履聲，輒呼而問之：「兒輩今日讀何書？爲文章當祖父意否？」命列坐於側，予之酒食。或讀書塾中，夜分不歸，則遣小婢賜卮酒餅餌，慰勞之，率爲常。兄弟四人每會食，輒談藝以娛母，夫人爲之解頰。

頻夢有小鳥五色如鳳皇，百十其羣，飛遶左右。又屢夢人贈古墨，嗅之有異香，人以爲文字之祥。

山人少時又嘗夢一丈夫屬對，出句云：「君子有酒旨且多。」山人應聲曰：「詩人之賦麗以則。」